



Broj: 01-16-3-2674/19-8  
Konjic, 29.10.2019. godine

Na osnovu člana 64. stav 1. tačka b) i člana 70. stav (1), (3) i (6) Zakona o javnim nabavkama ("Službeni glasnik BiH", broj: 39/14), člana 38. Statuta Općine Konjic ("Službeni glasnik Općine Konjic" broj: 4/11, 6/11), a na Preporuku Komisije za javnu nabavku broj: 01-16-3-2674/19-6 od 28.10.2019. godine, Načelnik donosi sljedeću:

## O D L U K U o izboru najpovoljnijeg ponuđača

### Član 1.

Prihvata se Preporuka Komisije za nabavku, broj: 01-16-3-2674/19-6 od 28.10.2019. godine i ugovor za javnu nabavku roba "**NABAVKA BETONA Lot-2**" dodjeljuje se ponuđaču "**PBP**" d.o.o. **KONJIC**, ul. Donje polje bb do broja 42, 88400 Konjic, ponuda broj: 2219/19, od 18.10.2019. godine, za ponuđenu cijenu, ostvarenu na e-aukciji, u iznosu od **174.500,00 KM** bez PDV-a, odnosno **204.165,00 KM** sa PDV-om kao najpovoljnijem ponuđaču.

### Član 2.

Izabrani ponuđač dužan je u roku od 5 (pet) dana od dana dostavljanja ove Odluke dostaviti originalne ili ovjerene kopije iz članova 45. i 47. Zakona o javnim nabavkama. Ukoliko izabrani ponuđač ne dostavi traženu dokumentaciju u određenom roku, ili je dostavi na nepropisan i nepotpun način, ugovor za javnu nabavku dodijelit će se drugorangiranom ponuđaču u skladu sa članom 72. stav 3. Zakona o javnim nabavkama.

### Član 3.

Ova odluka objaviće se na web - stranici ugovornog organa: [www.konjic.ba](http://www.konjic.ba), u skladu s članom 70. stav (6) Zakona, istovremeno s upućivanjem ponuđačima koji su učestvovali u postupku javne nabavke.

### Član 4.

Za izvršenje ove Odluke zadužuje se Služba za prostorno uređenje, građenje i obnovu i Služba za privredu, finansije i društvene djelatnosti.

### Član 5.

Ugovorni organ će, izabranom ponuđaču, dostaviti prijedlog ugovora na potpis nakon isteka roka od 15 dana, računajući od dana kada su svi ponuđači obavješteni o izboru najpovoljnijeg ponuđača (osim u slučaju da odluka nije postala konačna zbog uložene žalbe ili je poništena povodom uložene žalbe).

### Član 6.

Ova Odluka stupa na snagu danom donošenja, i dostavlja se svim ponuđačima koji su učestvovali u postupku javne nabavke, u skladu sa članom 71. stav 2. Zakona o javnim nabavkama.

## O b r a z l o Ź e n j e

Postupak javne nabavke pokrenut je Odlukom o pokretanju postupka javne nabavke broj: 01-16-3-2674/19 od 29.07.2019. godine.

Javna nabavka je sprovedena otvorenim postupkom.

Procijenjena vrijednost javne nabavke, za Lot-2, bez PDV-a je 200.000,00 KM.

Načelnik Općine Konjic je Rješenjem o imenovanju Komisije broj: 01-16-3-2674/19-1 od 30.09.2019. godine imenovao Komisiju za javne nabavke i zamjenske članove za nabavku roba: "Nabavka betona".

Na osnovu obavještenja o nabavci broj: 637-1-1-48-3-24/19, objavljenog 11.09.2019. godine, na Portalu javnih nabavki i tenderske dokumentacije, putem otvorenog postupka, izvršeno je prikupljanje, analiza i ocjena podnesenih ponuda za nabavku predmetnih roba.

Javno otvaranje ponuda izvršeno je 21.10.2019. godine, u sjedištu ugovornog organa (Maršala Tita br. 62, Konjic), što je i konstatovano Zapisnikom o otvaranju ponuda, br. 01-16-3-2674/19-3.

Komisija je blagovremeno i pravilno izvršila otvaranje i ocjenu pristiglih ponuda za nabavku roba "Nabavka betona Lot-2" o čemu je sačinila odgovarajuće zapisnike u kojima je utvrđeno sljedeće:

- da je ukupan broj pristiglih ponuda: tri ( 3 );  
Pristigle su ponude ponuđača sljedećim redoslijedom:
  - 1) GPI d.o.o. Konjic, ul. Sarajevska br. 31, 88400 Konjic;
  - 2) PBP d.o.o. Konjic, ul. Donje polje bb do broja 42, 88400 Konjic;
  - 3) AGI d.o.o. Konjic, Živašnica bb do broja 50, 88400 Konjic.
- da su blagovremeno zaprimljene sve ponude,
- da je neblagovremeno zaprimljenih ponuda; nula ( 0 ) ponuda,
- da su ponude ponuđača: GPI d.o.o. Konjic, PBP d.o.o. Konjic, AGI d.o.o. Konjic prihvatljive, dostavili su svu traženu dokumentaciju u skladu sa zahtjevima iz TD,
- da neprihvatljivih ponuda nije bilo.

Nakon izvršene ocjene ponuda ponuđača koji su dostavili kompletnu ponudu, a prije zakazivanja e-aukcije, u skladu sa predmetnom TD, Komisija je rangirala prihvatljive ponude u skladu sa kriterijem definisanim u tački 23. TD – najniža cijena ponude:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (sa popustom i bez PDV-a)
1.	PBP d.o.o. KONJIC	199.865,00 KM
2.	AGI d.o.o. KONJIC	226.585,00 KM
3.	GPI d.o.o. KONJIC	232.707,00 KM

Komisija je nakon analize prihvatljivih ponuda dana 25.10.2019. godine u 14:10 sati provela e-Aukciju u skladu sa uslovima iz tenderske dokumentacije kojom je predviđeno održavanje e-Aukcije i Pravilnikom o uslovima i načinu korištenja e-Aukcije („Službeni glasnik BiH“, broj: 66/16). E-Aukcija je provedena putem sistema e-Nabavke na web stranici [www.ejn.gov.ba](http://www.ejn.gov.ba).

Po okončanju e-Aukcija, koja je trajala od 14:10 do 16:28 sati (Izvjestaj o toku i završetku e-Aukcije u prilogu), Komisija daje tabelarni pregled prihvatljivih ponuda ponuđača kako slijedi:

R.b.	PONUĐAČ	NAJNIŽA CIJENA TEHNIČKI PRIHVATLJIVE PONUDE (bez PDV-a)
1.	PBP d.o.o. KONJIC	174.500,00 KM
2.	AGI d.o.o. KONJIC	174.700,00 KM
3.	GPI d.o.o. KONJIC	190.000,00 KM

Na osnovu provedene procedure javne nabavke i ocjene kvalificiranih ponuđača, ponuđenih uslova, cijena, te priložene dokumentacije i primjenjenih kriterija koje je ugovorni organ odredio u tenderskoj dokumentaciji, Komisija je jednoglasno utvrdila da je najnižu cijenu tehnički zadovoljavajuće ponude ponudio ponuđač PBP d.o.o. KONJIC, na osnovu čega je jednoglasno dala Preporuku rukovodiocu ugovornog organa broj: 01-16-3-2674/19-6 od 28.10.2019. godine, da se ugovor za javnu nabavku "Nabavka betona Lot-2" dodijeli ponuđaču PBP d.o.o. Konjic za ponuđenu cijenu u iznosu od 174.500,00 KM bez PDV-a.

Prilikom ocjene provedenog postupka, uvidom u dokumentaciju, rukovodilac ugovornog organa nije našao razloge nepravilnosti, niti propuste u radu koji bi eventualno bili osnov za neprihvatanje preporuke komisije.

Naime, u postupku je ocijenjeno da je Komisija u svemu pravilno postupila, i da je izbor najpovoljnijeg ponuđača izvršen u skladu sa Zakonom o javnim nabavkama BiH, podzakonskim aktima, tenderskom dokumentacijom i ponudom izabranog ponuđača. Uvidom u priloženu dokumentaciju, je nesporno da je ponuđač PBP d.o.o. KONJIC izabran kao najpovoljniji, primjenjujući kriterij najniže cijene, ostvarene na e-aukciji, u iznosu od 174.500,00 KM bez PDV-a, odnosno 204.165,00 KM sa PDV-om.


Iz navedenih razloga, primjenom člana 64. stav 1. tačka b. Zakona o javnim nabavkama, odlučeno je kao u članu 1. ove odluke.

#### POUKA O PRAVNOM LIJEKU

Protiv ove odluke može se izjaviti žalba, najkasnije u roku od 10 (deset) dana od dana prijema ove odluke.

#### DOSTAVITI:

1. Načelniku,
2. Ponuđačima,
3. Službi za prostorno uređenje, građenje i obnovu,
4. Službi za privredu, finansije i društvene djelatnosti,
5. Službi za zajedničke i stručne poslove,
6. A/a



Pripremio: Elvir Nuhić  
Kontrolisao: Kemila Hero

